

13.10.2020

UKA2020/107

Nunatsinni sanaartornikkut suliffeqarfiutilinnut mikisunut angivallaanngitsunullu sanaartornikkut aningaasalersuutitigullu annertunerusumik akuutsitsisinnaanerit pillugu apeqquteqaat aallaavingalugu oqallinnissamik siunnersuut.

(Dores J Jensen, Siumut)

Apeqquteqaat aallaavingalugu Inatsisartuni oqallinnissamik siunnersuut Siumumiik imaattumik oqaaseqarfigissuarput.

Sineriassuatsinni isorartoqisumi sanaartornikkut Nunap inuinit atugassaritineqartut annerusumik minnerusumillu pissutsinut ilorraap tungaanut sunniuteqarsimapput, sorpassuartigummi siuariarnermik annertooujussuarmik kinguneqartarput tamannalu assortuussutissartaqarunangilaq.

Taamaakkaluatorli sanaartornermut atortulersuutigitinneqartut aammalu nunap qeriuannartup aakkiartorneranik pissuteqartumik aningaasat atoqqinneqartut sulilu atorneqarumaartussat suli sillimaffiginngisavut annikittuinnaangillat.

Talittarfeqarnikkut illuliortiternikkullu illoqarfinni angisuuni qujanartumik ajunngilluinnartumik ingerlarsortoqarpoq, tamannalu nuannarutissaavoq tamatsinnut.

Sanaartornerli nunatta sinneranut aamma siammaattariaqarparput pisariaqartinneqartut aallaavingalugit, sanaartornermummi aningaasaliissutit atorneqanngittoortarsimanagerat akuersaarneqarsinnaangilaq tamannalu qaammarsaassutigineqartariaqarpoq.

Talittarfeqarnikkut umiarsuartigullu imarpikkoortaatit eqqarsaatingalugit siuarsimasupilussuanngorpugut, tamassumalu kingunerisaanik aamma annertunerusumik niiverfiginikuunngisatsinnik ammaassisinnaalerput annertooujussuarmik aningaasatigut ileqqaarutigisinnaasatsinnik.

Kiisalu manna tikillugu sanaartornikkut illuliortiternikkullu atorluannngisavut pitsaalluinnartutut nalilerneqartartut qarmasissiat sooruna pinaveersaaringut ? sinnilissuarnik peqarpugut tupinnaannartumik manna tikillugu atunngisatsinnik, tupinnarujussuaqaaq ukiorpassuarni piusinnaasut aqqutissiuunneqarsinnaangimmata, nunap inuisa namminneq nassaaringaat taamaattumillu aningaasarsiutigisinnaangaat pissutaasimappat kinguarsaaneq kukkunerujussuuvoq akuersaarneqarsinnaangilluinnartoq.

Nunatta pissarititaanik niiverneq pikkoriffiginerujussuusariaqarparput, tamannalu aatsaat angusinnaavarput nunatta inuinit sulisoqarnikkut.

Nikkulaat Jeremiassen, Siumut.